

Anpao

Kin.

THE DAYBREAK.

"Wankantanhan Anpao kin hiyounhipi."—Luke 1. 78.

VOL. XVI

FOREST CITY, SO. DAK., JULY, 1900.

NO. 9

ANPAO KIN.

REV. E. ASHLEY
REV. W. J. CLEVELAND } Editors

ANPAO KIN wi iyohina, wiyawapi anpetu tokaheya eca mazaakdirpeyapi.

WI XAKPE on kapi, qa wi iyohina akezaptan (15) aokpani xni, ptayena partapi, wicacaje wanjina ekta luyukiyapi kta cinpi kinhan, icupi kin iyohina kaxpapi wanji (10e) on kajupapi kta.

WIXAKPE on kapi, qa wi iyohina wanjina icupi kta cinpi kin, kaxpapi wanji sanm okise (15) on kajupapi kta.

Icupi xni itokab kdajupapi kta.

Wowapi askapiyapi maxaxana wanji qaix nonpa owapi kin, mazaska eekiya. ANPAO KIN opeton okilipi kta.

Tuwa wowapi kagin kta ca wowapi skasani el owa kta.

Opetonpi kta wowapi hiyukiyapi qaix ed taku oyakapi kta cinpi na hiyukiyapi ca, wowapi njuha akand ceced owapi kta.

REV. E. ASHLEY,
CHEYENNE RIVER AGENCY, S. D.

Yawaxteya Cajeyatapi Wowapi Wan.

ANPAO KIN icikoyawaxteyapi qa wicoran waxte econ iyounpaxtakapi kta wookili yuha. Okodakiciye-wakan opapi tka abebeya tipi kin, hena iyotan taokiye waxte heca kta. Bixop waun kin eciyanhan, taku ecamon onxpaxpa oyakapi qa taku bduotanin kta wacin kin hena owasin, qa Tipiwakan iyaza omawani woyakapi kin hena, qa nakun Okodakiciye-wakan kin wotanin tawa tokiokeca ed kagapi kta. Oyate unkitawapi kin owasin ANPAO KIN icupi qa sanm wicaxa tokeca wicacupapi nin ecanmi.

W. H. HARE,
Yewicaxipi Bixop

ABLEZA POI

Sioux Falls, S. D.

June 1, 1900.

Tokata St. Matthew Taanpetu, September 21, 1900, Cheyenne River Agency (Hohwoju), S. D. ekta, na Ascension wocekiye oyanke el, Hihan wakpa iyohloke cin ikiyela, Niobrara Convocation kin himniciyapi kta e le eciyatanhan wicakicopi.

W. H. HARE,
Bishop

Attest: Wm. Holmes,
Secretary.

Sioux Falls, So. Dakota.

Lakota oyate egna, winyan tona Okolakiciye Wakan opapi kin le cicigapi:

Lakota winyan kin hena wicohan tanka econpi ece, na heon Wakantanka wopila ewakiya. Wowastelake on heconpi kinhan Wakantanka tohinni aktonjin kte sni, na Iye hecel wicohan tanka kin he okihiwicakiye cin on wopila ewakiya ecee.

Convocation omniciye ekta, winyanpi kin mazaska tona mnayanpi na taku on na tona kicunpi

kin, Wicaša Wakan tawapi kin owicakiyakapi sni kin heon woškiške ecee. Eya tokel ieska wapyikapi eša, takomni oškiškapi na taku yušnapi ece.

Heon etanhan, Winyan kin hena Convocation ekta mazaska tona ahipi na taku on kicunpi kte cin, iyehantu sni ecel Wošna kaga iwicayunge wicawaši, na iye onspewicakiyapi kin ogna mazaska tona mnayanpi na ahipi kin tokel kiyušpušpu egnakapi kte cin wowapi wan el kagapi kta; nahan Winyan mazaska tona na iyayustag wowapi kin yuha hipi sni kinhan mazaska kin hena iwacu kte sni e waktawicawaye lo.

Ecana Convocation econpi kte cin on wanna cantewasteya ewacannipi naceca, kinhan omniciye kin he on wocekiye ehapi nin ecanmi.

Nitakola wacinyepica,
W. H. HARE,
Bishop.

Flandreau, So. Dak.

Wakpaipaksan ed St. Andrew Sunkakiciyapi icaliyapi kta e wanna tehan iyuteya škanpi. Heon Bishop unkitawapi kin ded hi qonhan Dakota wicaša wakan sunkakiciyapi opapi kin wanji hi kta qa woiciconze kin ohnayan unkiyustanpi kta iceunkiyapi.

Unkan ohinayan Rev. Joseph Goodteacher uši sunkakiciyapi kin on qa nakun okodakiciye wakan kin takuku onspewicakiya kta e on May 29, 1900, en hi.

May 30, 1900, itayetu kin ed tipiwakan ohna tokaheya sunkakiciyapi kin on wohdakapi omniciyapi heca econqonpi, qa Rev. Goodteacher St. Andrew Sunkakiciyapi Tawoope nom kin qa wicohan tona iyowaja qa yuha škan kin hena on wahokonwicakiye.

Hehan Benj. Westman, tokaheya wohdake qa wicohan kin de icage kta e iye tokaheya kuwa ešta on kahanskeya taku nina lica awacin sni tka dehan Rev. Goodteacher, on tankaya on onspewicakiya kin on sanpa okalniga cin on ehanqon wicohan de tanka qa wakan kin on koška tokecincin ed ope pica sni kin awabdeza unkan imanihan qa cante kin nina mayuhuhuza, hececa ešta toked owakihi wicohan kin de detanhan tokatakiya yus nawajin kta ce eye, qa eqeš wanna omaka wanji koška tona de ohna iyuto-

ya škanpi kin wanjidan tohni wicohan šica wan econ e oyakapi nahon sni keya.

Hehan Sam H. Weston wohdake qa wicohan de totanhan awacin kin sanpa ohni cante kin ed u qa hekta tohan šica ota qa yawapica sni hena on dehan iye tka ceye ičiya ecee, hececa ešta detanhan hena on sunkakiciyapi kin ed itani kta qa wocekiye qa Wakan-tanka oie kin ohni yus un kta heced wohdake.

Hehan William Jones wohdake qa koška tona wicohan de awacinpi qa ohna škanpi qa wicakapi kin oihduhepi qa tohanpi kin eciyatanhan ataninpi e owicawakalniga ce eya, womnaye qa is taku wicohan wan onspepi kin hena on takudan wawipida sni škanpi ce-eye; qa nakun Thos. Arrow, John Thompson, Peter Thompson, hena tantanyan wohdakapi 10:30 o'clock P. M. dowanpi qa enakiyapi.

May 31, 1900, 3:30 P. M.-Okodakiciye ataya wacekiyapi, qa ake Rev. Goodteacher St. John 15:27, on wahokonwicakiye. He e wacekiyapi ayušanpi hehan Okodakiciye opapi owasin witaya takuku ked on wohdakapi.

Rtayet 7:30 ape kin hehan ake sunkakiciyapi on omniciye econpi qa ake sanpa Rev. Goodteacher takuku onspewicakiye qa ake wanjikji wohdakapi qa tona ed opapi kta wiyeya unpi kin qa hecehnana katinyan tawacinpi kta cin owasin oihdakapi.

June 1, 1900, anpetu kin ed Rev. F. Durant qa Rev. Joseph Goodteacher wicohan de on wohdapi qa Rev. Durant owasin hecetu da, hecen itayetu 7:30 hehan ake tipiwakan ohna mniciyapi qa he ed wikeemna (10) woiciconze kin ohnayan Rev. Goodteacher opewicaye qa ohakam ake tona ičiconzapi kin hena on wicohan tona ohna iduhapi kte cin iwahokonwicakiye.

De ayušanpi kin iyohakam wi šakpe (6) tokata St. Andrew taanpetu hehanyan tona oitancan unpi kte cin wicakalnigapi: Thomas Arrow, Itancan; Sam. H. Weston Itancan okihe; Amos Weston wowapi kaga qa John Thompson mazaska awanyaka.

Ho heced South Dakota en Dakota sunkakiciyapi yuwitaya Provincial Chapter yaunpi wicohan tona yakuwapi kin en unkiš eya omniciye eistinna kin unyuhapi ešta omniciyapi kta e unkinajinpi qa heon wocekiye nitawapi ed

sanpa unkiagapi qa waunšakapi kta e ohiani unyksuyepi kta iceunniciyapi, qa owasin wowakta canicipawega unkitawapi kin ed napeunniyuzapi, qa Rev. Joseph Goodteacher dehan wicohan tanka unkiyustanpi kin on wopida tanka unhapi.

Amos Weston,
Secretary

OKOLAKICIYE WAKAN WOTANIN.

Saglaša makoce kin el obašpe wan London eciyapi kin imahel wicaša ota unpi na hekta qon hetanhan sam obašpe kiyušpeya kagapi. Wanji Rochester eciyapi, yunkan he wanna wicaša ota el ounyanpi, hecel he kiyušpa na akam wanji teca kagapi kta ca lila wamnayanpi. Tokesa kiglegapi kta naceca.

Makoce kin he hel yewicašipi omniciye wan—Society for the Propagation of the Gospel—he wanna waniyetu opawinge nom yuhapi, na omniciye kin he maka owancaya wicohan tanka econ ece. Iyunkan omaka iopawinge nonpa kin on wokiksuye wowi- yuškin heca econpi kta, na icunhan mazaska woyawa tanka mnayanpi kta cinpi. Wokiksuye econpi ca Bishop unkitawapi etanhan wanna wicakicopi na hel woglakapi kta.

Lehan Paris, France el wapa- zopi tanka econpi na makoce oyasin etanhanhan taku pazopi kta ahipi. Yunkan yewicašipi wicohan kin on is eya takuku ahipazopi, na hena etanhan, Minnesota makoce kin el Lakota wikoškalaka taku opapun lihi kagapi kin etanhan ahipi naceca.

Alabama obašpe kin May wi he ehan omniciye econpi na icunhan Bishop ookiye wan tokeca kalnigapi, he Rev. Robert W. Barnwell eciyapi kin ee. Tokesa Bishop unmapi kin na Standing Committee unpi kin okise isanpa hecetulapi canna hehan yuwanpi kta.

Quincy, Ill. obašpe kin is eya omaka iyohi omniciye kin econpi, na Bishop tawapi wanna očihi sni kin on Bishop ookiye wan yuhapi kta e wicaša wakan nom cajewicayatapi keš unmana yu- stanpi sni enakiyapi.

Kentucky el obašpe kin lecala mniciyapi na otokaheya wotapi wakan econpi kin el tuwa waho- konwicakiye cin he Ha sapa wicaša wakan heca, Rev. Thomas J. Brown eciyapi kin hee.

THE DAYBREAK.

REV. E. ASHLEY
REV. W. J. CLEVELAND } Editors

THE DAYBREAK is published monthly in the interest of the Protestant Episcopal Church among the Sioux Indians of South Dakota.

The subscription is 30 cents per annum in advance and may be paid in one or two cent postage stamps.

Single subscriptions for six months, 15 cents.

Fifteen or more copies to one address for six months, 10 cents each.

All subscriptions and matter for publication should be addressed to

REV. E. ASHLEY,
Cheyenne River Agency, S. D.

Letter of Commendation.

The tendency of THE DAYBREAK is to provoke to good works and to bind us together. It will be a special help to the scattered members of the Church. Besides other Church news, it will contain my official notices and accounts of my official acts and visitations. I hope our people will take it and circulate it.

W. H. HARE,
Missionary Bishop

Entered at the Postoffice at Forest City, South Dakota, as second class matter.

Published at the office of the FOREST CITY PRESS, Forest City, S. D.

OKOLAKICIYE WAKAN WIYAWAPI KIN

July wi kin.

1. Yamni iyohakab Anpetu Wakan iyamni..... To
8. Yamni iyohakab Anpetu Wakan itopa..... To
15. Yamni iyohakab Anpetu Wakan izaptan..... To
22. Yamni iyohakab Anpetu Wakan isakpe..... To
25. St. James Wahošiyē taanpetu kin..... Ša
29. Yamni iyohakab Anpetu Wakan isakowin..... To

Wotanin-wašte Ayapi On Wocekiye.

Anpetu iyohi wicokaya he cin ehan kiyapi kta:

Wanikiya wašte isto wacantkiya nitawa kdugad, canicipawega akan otkeyahan yaun tka qon, maka akan wicaša un kin owasin Niye ekta etonwanpi qa niwiciyapi nunwe. Amen.

OKOLAKICIYE WAKAN WIWICAWANGAPI KIN.

Woonspe Iwikcemna zaptan sanpa sakpe-nakun.

St. John Baptisma wicaqu kin taanpetu

W. St. John Baptisma wicaqu taanpetu kin tohantu he.

A. June wi wiyawapi wikcemna nonpa sanpa topa hehantu.

W. He tuwe cinca he.

A. He Zacharias na Elizabeth eincapi.

W. Hi šni itokab Ogligle wan tokel oyaka he.

A. Woniya Wakan ojula kta, na Juda oyate etanhan wicota wicayuhomni kta, na Itancan ta-canku kin pikiciyin kta. Lukas I: 15-17.

W. John u kta ca Wiccan-wan tuwa waayata he.

A. He Malaki wicaša wokcan kin hee. Malaki 3:1.

W. Wokcan kin he tokel eya he.

A. "Iho, wahoši mitawa yewa-ši kta, yunkan iye mitokab canku kin yuwiyein kta."

W. Tokel Itancan tacanku yu-wiyeya he.

A. Oyate kin woiyopeiciye iwahokonwicakiye, na mašpiya wokiconze kin kiyela han owicakiyake cin heon.

W. John wahokonwicakiye cin on toketu he.

A. Bliheya econ kin on, wicaša ota, Jerusalem na Judea, na Jordan iglukšantanhan wicota ahi na Baptisma wicaqu.

W. Tokel ni un he.

A. Tawokoyake cin he Camel hin kin on kagapi, na tawoyute kin psipsicala na tulmaga canhanpi kin hee on.

W. John Baptisma wicaqu kin tokel ta he.

A. He kaška yanke cin ieunhan, Herod Antipas pa bakse wicaši, Herod tuwa Jesus ilaha kuwa, na šina ayucopi wan inkiye qon hee.

Woonspe Iwikcemna zaptan sanpa sakowin.

St. Peter Taanpetu

W. St. Peter wokiksuye tawa kin tohantu he.

A. June wi wiyawapi wikcemna nonpa sanpa napciyunka hehantu.

W. St. Peter he tuwa he.

A. St. Peter, he Jonas einhintku, he Bethsaida otowwe etanhan na hokuwa wicaša heca.

W. Tokel caje tokeca on slol-yapi he.

A. Caje tani kin he Simon eciyapi, na he ahankeya Christ wicacaje wan Cephas eyapi on cašton.

W. Cephas eyapi kin tokel kapi he.

A. He Syria iapi etanhan na inyan eyapi, na Greek na Roma iapi el petra eyapi, na hetanhan Peter eyapi.

W. St. Peter wahošiyē heca kta e tokel kicopi he.

A. He sunkaku Andrew eciyapi kin he Christ el ahi, na "Messiah kin iyeunyanpi" okiyake qon heon.

W. Le ohakab iecala toketu he.

A. Jesus, Peter na Andrew hokuwa wanwicayake na "Miyagna u po, kinhan wicaša wicalupsicapi kta ce" ewicakiya.

W. St. Peter tawacin kin tokeca he.

A. Tawacin oħanko heca tka waohola sa, tokel iyukan kinhan glatan kta ca inalni ece.

W. Heel ektašniyan oħankoya waawacin ece kin on tokel Jesus kuwa he.

A. Itancan tawa iyagna yin kta oħankoya iglatanin eša tokel anakilimin kte cin itokab okiyaka.

W. Tohinni Peter Christ anakilima he.

A. Wošna kaga Itancan ti ti-hocoka el, Christ litayetu wiyopeyapi qon he ehan yamni anakilima. Qeyaš iyohakab lila hecin iyopeiciye, nahan wotanin wašte on eyanpaha bliheca na wacintanka heca.

W. Christ kīni ohakab wahošiyē tawa kin etanhan tuwa ca tokeya el iglutaniin he.

A. St. Peter, na hinšpaye cin on iyokišica un na kieinptin kta, na wowacinye el yusuta kta e hecon naceca.

W. Tiberias ble kin el, waonspewicakiye tawa kin iciyamni taniničiye qon, Christ tokel St. Peter eciya he.

A. Wašelaka hecinhan Christ yamnikiya wiyunga, na yamni anakilima kiksuyekiya na tokata wakta opiičiyn kta hecon naceca.

W. Christ wašelaka hecinhan taku iglutaniin econ si he.

A. Talicašunka cincala na Talicašunka kin wolwicaye ši.

W. St. Peter tokaheya wahokonwicakiye cin on toketu he.

A. Koktopawinge yamni yuhomnipi na Baptisma wicaqupi. Oħan. 2: 41.

W. St. Peter tuktel tokaheya yešipi he. Oħan. 8: 14, 17.

A. Samaria ekta, heciya St. John kici yešipi, na Philip, Deacon kin he tona Baptisma wicaqu qon, hena nape awicaputakapi.

W. St. Peter wotanin wašte oyake cin on tuwa šicaya kuwa he.

A. Herod Agrippa kin he na on kaška gnake. Oħan. 12:1

W. Ktepi kte cin itokab litayetu kin hehan toketu he.

A. Itancan Taogligle kin he wicokaške tipi tiyopa yuzamni na tankal toki tanyan un kte cin ekta yusaye. Oħan. 12:7

W. St. Peter tokiya sam wotanin wašte oyaka he.

A. Pontus, Galatia, Cappadocia, Bithynia na Asia el.

W. Tuktel ta he.

A. Wowapi tani owapi kin he na Rome otowwe kin el, Nero wicacayapti kin tuwa Christian šicaya wicakuwa qon he ehan ta keyapi.

W. Tokel martyr ktepi he.

A. Pa kin kulkiya han icipawel okatanpi.

Wowapi Wakan yawapi kin Wawokiya.

II. Greek Wicokanze kin. B. C. 333-167

1. Alexander woohiye tawa kin.

Alexander tanka eciyapi kin he taakicita zuya hipi qonhan, Persia wowakaše kin he jujuwahe. Granicus wakpa kin ekta B. C. 334 he ehan Persia akicita ohiyewicaye, ca omaka iyokilhe ake Issus ekta wicaktela kin on Damascus otowwe kin yuza, na Sidon ieu qonhan B. C. 332 Tyre otowwe kin atakpe hi. Iyohakab omaka kin, Juda oyate kin awicayustan šni na iye oħolapi šni kin on Jerusalem otowwe kin takpe hi keyapi. Tuwa Josephus eciyapi na Juda oyate woyaka tawapi owa kin, he Alexander otowwe kin etkiya ye con itoketu kin he tanyan oyaka Alexander ši-

caya awacinyan Jerusalem kiyela ihunni qonhan, Jaddua, Wošna kaga itancan kin he, woihanble ihanbla kin on, canku kin ogna, wošna kaga hayake koyagya, wošna kaga toktokeca wicaša ikceka ko ob, ape yanka. Alexander taku wanyake cin eciyatanhan Wošna kaga itancan kin yuonihan, na wapošta akan taku owapi kin (Gli. 28:36-38), he iiputake, na hehan is eya tiyata woihanble on wicaša kin he wanyake ca wiyohyanpata zuya yin kte cin he ohiyin kta iwahoye cin he oghaka. Heel heon Jerusalem onšilaya patanpi.

2. Alexander ohiwicaye cin on itoheca kin. Alexander Jerusalem patan kin ecela šni, tka Juda wicaša tona el unpi kin, na Palestine ataya el, tona ohiwicaye cin wookilhi ota wicaqu, na Alexander te cin ohakab itancan upi kin he ogna iyowinwicakiyapi tka. Alexander Egypt makoce ohiye qon, hehan Alexandria otowwe itancan teca kage cin hel Juda wicaša ota el ounyanpi kta e wicakico, na tona heconpi kin wowašake ota wicaqu. Alexander oyate ohiwicaye cin on taku tanka yukan. Oyate toktokeca wokiconze tawapi kin el takuku nakicitonkapi qon he iyujuju, na iyotan Europe oyate na Asia oyate kin on lila hececa. Wicaša wowiyukan yuhapi kin wana tanyan okicicabnigapi, na icunhan Greek iapi kin ogna wowapi kagapi kin liglila yawapi, na iapi kin he wana owancaya kinin onspepi.

3. Alexander te cin ohakab. B. C. 322, Palestine makopašpe kin he akicita itancan tawa wan Laomedon eciyapi kin he yuza, tka ohakab iecala (B. C. 320) hehan Ptolemy Soter, Egypt wicacayatapi kin he ki, nahan Syria, na Phoenicia tawayin kta ca wicayuzza, na Jerusalem otowwe kin ohiya. Jerusalem etanhan wicaša koktopawinge wikcemna Egypt ekta iglagwicaye, ca Makedonia wicaša hel unpi kin akiyecel wicakaga; nahan ohakab iecala wicota Lybia na Cyrene ekta iglagwicaye. B. C. 314 omaka kin el Antigonus, Syria el wicacayatapi kin, Alexander akicita itancan tawa etanhan wanji iyotan wayuškiške cin he, he Palestine yuza; tka Ipsus el B. C. 301 wokicize econpi kin el te cin he ehan makoce kin he Ptolemy ewicakiyapi kin, he ikicupi, na hetanhan Syria na Egypt oyate kicipajinpi ece kin iyokogna yanka na uumani owicapapi šni.

4. Ptolemy wicicukuya Juda oyate kin waliwayela na cantewashteya unpi. Egypt wicacayatapi wokihi ota wicaqupi, otowwe tona el ounyanpi kin el omnicieye tipi kagapi kta iyowinwicakiyapi, hecel woohola tawapi na wicaša kin ko tokel wowašake yuhapi isamsam icaliyapi. Juda oyate toki unpi eša, ocib Greek iapi onspeayapi, na "wicaša toktokeca ena-

nakiya unpi kin" (1 Inyan. 1:1) hecel iapi na hecel unpi kin on "Hellenes" ewicakiyapi, na heon Juda woohola kin he Ikcewicaša tawapi kin ikoyagyapi. Nahan hececa kin on Wowahokiciye tani kin Greek iapi ogra ieska kagapi cinpi, hecel Ptolemy Philadelphus, Alexandria otowwe kin el, wowapi ognakapi tipi wan kage cin hel okage wan egnakin kta ca ieska kalwicaši, na okage cin he Septuagint eastonpi (B. C. 284-247).

Alexandria otowwe kin he wiyohiyanpata na wiyohipeyata woonspe kin he cokaya un na heon Jerusalem ekta woohola kin on wasaka tka wana Alexandria kapeya wasaka. Makoce (Egypt) kin he tuktel hunkawicaye wayaka unpi kin eciyatnahan Juda oyate kin wanna tiwahe wan sutaya olakolkiciyapi, na on ocib oyate enanakiya unpi eša igluokiwanijpila kta e lila awacinpi.

5. *Juda oyate woohola tawapi on ocokaya nonpa kin.* Hecel wanna Juda woohola kin on ocokoya nonpa yukan, nopin sakib yanka tka iyohila woawacin yule cin on wasakecilapi. (1) Jerusalem ocib ihanke icage icunhan, Pharisee el unpi na oyate otowwe itancan tawapi kin, hel Moses wocon kin, na wowapi wakan, na tokel kapi oyakapi wowapi kin he Hebrew iapi el owapi kin ecela yuhapi; na (2) Alexandria, Hellenist, Juda wicaša tona Greek iapi onspepi kin, hena Greek woonspe na tawaciyapi kin, he Juda tawaciyapi kin sakib yuhapi, na wiyohiyanpata woonspe na wowiyukean kin icicahiyapi, na Juda wayuotaninpi kin Greek woksape kin kici ikoyagyapi. Hecel Alexandria otowwe itancan teca kin etanhan Juda woohola kin el waniya tokeca yuicage, na heon etanhan ospaye nom icagapi na Wotanin waste el "Pharisee" na "Sadducee" ewicakiyapi, tokaheya kin he Hebrew woawacin enajin, na iyokihe kin he Greek woawacin el enajinpi.

6. *Seleucidae kin.* Ipsus el kicizapi kin on, Alexander akicita itancan tawa wani tokeca makoce tanka wan, Euxine Ble etanhan Arabia opapun kin he hanyan awanyagkiyapi. Makopaspe tawa iwyohiyanpata otowwe itancan wan Seleucia eciyapi kin he kaga, iwyohipeyata, Orontes wakpa opaye otowwe itancan tokeca wan, Antioch (Antiochia) eciyapi he kaga. Iyunkan Seleucidae kin lila wasagya icagapi, na Palestine makoce kin yuhapi kta cinpi kin on, waniyetu ota Ptolemy kin ob kicicuwapi Ohanketa Antiochus tanka eciyapi kin B. C. 198 he ehan Jerusalem ohiye, tka Juda oyate kin wowašake ota wicaqu, na woohola tawapi kin el igluhapi kta iyo-winwicakiye. Alexander na Seleucus econpi kin ognayan Juda tiwahe koktopawinge nom Babylon etanhan, Lydia na Phrygia ekta awicaye ca hel makoce wicaqu, nahan womnaye (tax) econpi kte šni e wicakiciyustan.

7. *Antiochus Epiphanes.* Qeyas, Antiochus tanka cinhintku kin, Jerusalem anatan hi na Tipi Wakan itancan kin etanhan wamanon, na iyokihe u kin, Antiochus Epiphanes, B. C. 170 he ehan wokicize on otowwe kin he ohiya, na eša hel tipi etan lila ota wica-kte, nahan wicota wayaka unpi

kta e wiyopewicaye. Iyehan Tipi Wakan yušica, na taku wakan ohola kin, Jupiter Olympus eyapi kin on yuwakan, wowapi wakan yuhapi kin hušnage, ca Juda oyate kin hunkawicayapi kin etanhan wowicala yuhapi ayustanpi kta ca lila telihiya wicakuwa. Hecel Daniel wokcan kin (11: 31) el "wowahite šni wayutakuni šni" taku tokeca wakanlapi on wagna wošnapi wan, wolušnapi wagna wošnapi el eglepi, na anpetu iyohila wošnapi eceš kin he yutokan iyeyapi.

Wicanłpi Yamni tawowapi kin etanhan Oegnake 8 na 17 kin.

Hekta tohinni wowapi wan omaka 1889 el Wicanłpi Yamni ahi na Lakota yutanpi qon he kolaunyanpi kin Wazihanska tanyan na owotanla ieska kaga na Anpao kin el wicakicaga, na hecon kin on Lakota iyuha tanyan ablezapi kta kipi tka. Nahan tohinni onspa akta oyagunšipi na econqunpi tka nahan tanyan ablezapi šni selececa, lakaš ake oyagunšipi na le ihukuya oegnake nom piya unnciyaotaninpi. Hecel tona Anpao iyacupi kin tanyan yawapi na gluha wacin po.

SEC. 8. Owakpamni makobašpe hiyeye cin ognagna tokelkel wicaša wanjigjila makoce oiyute yankapi kta.

Tohanl Tunkanšilayapi kin hecel Lakota iwicatanyan kta iyukean kinhan, Owakpamni makobašpe tukte wani keša iwicakiciyute wicaši kta, na kakelkel wicaša wanjigjila makoce wicakipamnipi kta.

Tiwahe itancan iyohila wojuyutapi opawinge yamni sanb wikcemna nonpa [320]; wica na winyan koya, waniyetu akešaglogan sanb iyayapi tka tanšna unpi kin, iyohila iyutapi opawinge wani sanb wikcemna šakpe [160]; wakanyeja nahanhecin waniyetu akešaglogan ihunipi šni tka wablenicapi kin, iyohila iyutapi opawinge wani sanpa wikcemna šakpe [160]; wakanyeja lehanl ni unpi tka nahanhecin waniyetu akešaglogan ihunipi šni kin, nakun Tunkanšilayapi lecel makoce icu wicaši šni itahena tonpi kte cin, hena koya, iyohila iyutapi wikcemna šaglogan [80] icu okihihi kta. Na makobašpe wani ogra hecekel makoce wicakipamnipi kta yunkan wicaša iyohila hecin iyowicahi kta iyaceca šni echantanhanš tokel oyate kin ataya on owotanla wicakicicagapi kta e iwanyag, ospaye lel cajeyatapi kin hena oyasin elel wicaša iyohila hecin aokpakpaniyan wicaqupi kta, woyušan kin le el tokel econwicapi kin he ognayan.

Hecetu kte qeyas, makobašpe tukte wani kaša ogra makoce kin peji na ptewaniyanpi oicahiyapi kin hecela on lila waste, selececa echantanhanš, tokel makoce wicakipamnipi kta lel keya owapi

qon nonpa akiglegle wicaqupi kta.

Hehan, nakun, wicaša nonpa, nainš otapi yeša, ptewaniyanpi oicahiyapi kta ca on etanhan makoce wanjigjila tawapi kta tka qon, hena yuptayela icupi kta cinpi kinhan, Tunkanšila hecel ptewaniyanpi oicahiyapi kta makoce oiyute ptayela wicaqu okihi kta, iye yuptayela tawakiyapi na woinlagyapi kta ca heon.

SEC. 17. Wokajuju kin:

Woyušan kin le on hecel yušanpi:—April 29, 1868, wolokota iwankab cajeyatapi na he ehanl yušanpi qon, on Lakota waonspewicakiyapi wowaste kin wicaqupi kta yušanpi—Article 7th hee—he, woyušan kin le yusutapi kin ohakab tokatakiya waniyetu wikcemna nonpa hehanyan hecena sutaya hin kta, tka Tunkanšilayapi Tomniciye kin Lakota waonspewicakiyapi wowaste kin hena eekiya taku akiyecelya on iwaštepi kta iyecceca wicakiciyusutapi kta on yutokecapi kta okihihi kta.

Na Lakota qon hena woinlagwicayapi kta ca heon American ptewiyela, cincatonwicayapi waštešte heca, Tunkanšilayapi Iyokihe tuktekel opewicakicaton kta ca le on iyowinkiyapi na econšipi, yeša tokel Lakota qon hena wowasukiye iye wicaqu kte cin ognayan hena, waicage kin koya, tanyan wicayuhapi kta iwanyake cin henagnakeca opewicakicaton kta, nahan ataya ptewiyela koktopawinge wikcemna nonpa sanpa koktopawinge zaptan (25,000) henalica na tatanka susu iyoyasin, ptewiyela kin iye el waštešepi, koktopawinge wani (1,000) henalica opewicakicaton okihi kta. Hecetu kte qeyas, tiwahe itancan iyohila, na wica nainš winyan tona waniyetu akešaglogan sanm iyayapi nahan iyalatayela makoce icupi nainš tokata icupi kta echantanhanš, hena oyasin kakel wanjigjila wicaqupi kta:—Ptewiyela asanpi yukan nonpa, ptewaqin akicaška wani ptewanapi na mazaicahalia koya nainš ptewaqin na ptewanapi na mazaicahalia qon hena eekiya šungwiwela nonpa icin iyayustag, hecel qupi kta, Tunkanšilayapi Iyokihe tokel tanyan kta iyukean hecinhan, nahan nakun mahiyublu wani, canpagmiyanpi wani, mahiyuhinte wani, mahicamna wani, nazonspe wani na pejicape wani hena oyasin tokel on wowaši econpi kta iwanyagtanyan kagapi heca iyohila icupi kta, nakun iyagna (\$50.00) makaska wikcemna zaptanptan ašlayela wicaqupi kta; mazaska kin hena taninyan wicaqupi šni qeyas Lakota tawayapi kte cin hena tinsya tipi kta ca on tipi ogra oonyanpi kta na nakun tipi toktokeca icicagapi kta he nainš makoce tawapi kin gluwastepti kta škanpi kin el owicakiyapi kta

ca on wicakiciyusotapi kta Tunkanšilayapi Iyokihe kin iye tokel econ wicaši kte cin he ognayan; nahan taku woyuha woyušan kin he el iwankab wicaqupi kta yušanpi kin hena waujini hecin wiopeyapi nainš on toketuya keš wopetonpi econpi kte šni, Lakota woyuha kin hena tawayapi kin išnala taku kicicupi hecela on okihipica kta, nahan woyušan kin le toketuya keš ogra ecel econpi šni kinhan he woope kicaksapi heca yawapi kta na (\$100.00) mazaska opawinge wani sanm iyeye šni on glajujuwicakiyapi, nainš waniyetu wani sanm iyeye šni kaška wicagnakapi, nainš nupin ecawicakiconpi on teli slolyewicakiyapi kta, wakiya wicaša tokel tanyan kta iyukean kin hecetu kta; nakun waniyetu nonpa hehanyan wojuyutapi zaptanptan ojupi kta kipiya, wojupi su wicaqupi kta, henalica ojupi kta okihihi echantanhanš, na hecel wicaqupi kta ca on wojupi su opetonpi cannahan Lakota heca wiopeyapi kta gnakapi kinhan tawapi kin is tokeya opetonpi kta, na heconpi kta ca on Tunkanšilayapi tawomnaye kin etanhan mazaska taku tokeca on yulheyab egnakapi šni kin he etanhan henalica kipiya le woyušan kin on yulheyab ekicignakapi; nahan nakun he iyagna Tunkanšilayapi tawomnaye kin ogra mazaska taku tokeca on yulheyab egnakapi šni kin hetanhan (\$3,000,000) mazaska woyawa tanka yamni yulheyab egnakapi, yunkan mazaska kin hena Lakota oyate Sioux Nation ewicakiyapi kin iye tawapi kta ca heon United States Treasury kin ognakapi kta womnaye suta wan heca kta ca heon, na mazaska iyohila waniyetu iyohila mazašala zaptan (5 per cent) hecel cincatonyan aicahiyakel egnakapi kta, na aicage cin (waniyetu iyohila \$150,000 00, mazaska koktopawinge opawinge sanpa koktopawinge wikcemna zaptan, henalica kta) he owakpamni makobašpe woyušan kin le on kagapi kin ognagna Lakota maza na woyute wicaqupi kin hena woinlagyapi kta ca on yulheyab egnakapi kta Tunkanšilayapi Iyokihe kin iye tokel econ wicaši kte cin he ognayan, tohanl woyušan kin le yusutapi kte cin he ehanl owakpamni makobašpe toktokeca kin ognagna tonagnakeca woyute na maza icupi kin he iwanyag, na kakel ogra awicayusotapi kta; aicage kin he okise wowaši econ onspewicakiyapi waste toktokeca on, na unma okise kin he Tunkanšilayapi Iyokihe kin iye tokelkel na takuku on na tuktešna iyukeayankel mazaska ašlayela wicaša iyohila wicaqupi kta tokelkel on ohankoya iwicawašicun na oicahiwicayapi kta iyecceca iwanyag iyukean kinhan hecekel awicayusotapi kta; na Isanyati oyate na Wakpa Iapksan oyate na Ponka oyate kin womnaye suta kin le wowašte kin, woyušan kin le Sec. 7 na 13 el cajewicakiyatapi kin, hena is eya iyowajapi kta.

WOTANIN IKCEKA.

John Bad Elk, April 1899 ehanl Sioux Falls ekta tēyasupi qon, he piya aiapi kta. Pine Ridge ekta, canksayuha waji Kills Back eciyapi qon he kte yukan on tēyasupi; eyas Tunkansilayapi ti ekta Wakiya Itancan tomni-ciye (Supreme Court) ekta ayapi yukan Sioux Falls ekta tokel kiciyasupi qon he owekiniš ekta-šniyan econpi iyukeanpi kin on ake yuhlokapi na piya aiapi kta iyowinwicakiyapi.

Hesapa ekta mazaskazi olepi qon hunli Alaska ekta iyayapi. Cape Nome, Alaska, ekta lecala mazaskazi ota iyeyapi kin on oksantanhaz maza-ole wicaša kotopawinge ota inahni el hiyuičiyapi. Hesapa etanhaz wikcemna nonpa lecala iyayapi.

Spearfish, Hesapa ekta, J. W. Driskill he Henry Keets taptebleška 1,200 opewicaton. Ptebleška waji \$32.00 hecel iyopewicaya, Ataya \$38,400. Lakota on tokata jicaičiyapi kta iyececa kin ptebleška icahwicayapi kin hee. Tuwe hein heca opawinge yuhe cinhan jica selececa. Icin, mazaska kotopawinge yamni sanpa opawinge nonpa kipiya woyuha gnaka lakaš.

Carlisle, Pa., ekta wayawa opapi kin lehanl kotopawinge waji wahecetupi. Hetanhaz 400 kita na sanm iyeya owayawawicakiyapi kin ena unpi, nahan 546 titokan wašicun egnawowašieconpi.

Carlisle ekta onspeičiyciyapi qon hunli akicita opapi na lehanl Puerto Rico hel unpi. Nakun hetanhaz zaptan Philippine wita kin ekta kicizapi kin el opapi. Puerto Rico ekta unpi kin hunli okicize wata akicita ošpaye kin he el opapi.

June 4th, Pine Ridge ekta Makasanz wakpala opaya owayawa tipi kin waji hahnağa. Mr. Garret ekta waonspekiye yanke cin hee. Wakangli on ileyapi yankan obankoya waonspekiye ti qon he nahan owayawa tipi kin he, takuku oğna un kin koya ataya kinin atakunišni. Mr. Garret tawalipaye iyuha kinil, \$1,500.00 wahecetu kipiya, kicihahnağa. Eyaš wicaša kinhan tuweni ontonyanpi šni. Mr. Garret cinca wayazanka on he anpetu pejuta wicaša wanyagkiyapi kta on tawicu kici owakpamni kin ekta ayapi canke ena yankapi šni icunhan tipi ile. Lakota oksan tipi kin wanyakapi yukan tokel okihika inahni takuku niyapi kta škanpi; eyas tipi kin šota oğla canke tokani taku ota icupi kta okihipi šni.

Pecokanyanhanska makoce ekta "Boxers" ewicakiyapi kin tokel šilobanpi qon he kta wi AN-

PAO KIN el oyakapi. Nahanli ayušanpi šni kin on lecala United States etanhaz nahan miniwanca kowakatanhan oyate tancinkinyan unpi kin etanhaz Pecokanyanhanska Tunkansilayapi kin he on wokiyakapi na ayušanwicakiye šipi. Iye tao-yatepi kin etanhaz Pecokanyanhanska makoce ekta unpi kin hena na tawoyuha koya tanyan awanwicakiciyapi šni ehantanhaz Pecokanyanhanska wicakıştakapi kta, hecel Pecokanyanhanska Tunkansilayapi kin woiwakta qupi.

Hasapa makoce ekta Saglaša taakicita wana Johannesburg icupi na Boers otowwe itancan, Pretoria, he nakun; canke Transvaal ekta wokicize kin lecala owihan-kin kta kecinpi.

Board of Indian Commissioners 1899 on Report kin he Lakota tona wašicun ia yawa onspepi kin oyasin yawapi kta iyececa. Commissioner of Indian Affairs, Washington, D. C., he kilapi kinhan wicaqu kta iyececa. Hel taku cajeyatapi kin hena woyušan nainš wowaškiye heca šni. Tuktoğna tokata wowaškiye kağapi kinhan wašte kta iyukeanpi na Tunkansilayapi ti ekta owicakiyakapi heca. Hena oyate ikee unpi kin oyasin iyowajapi, canke Lakota is eya osloyapi na awacinpi kin wašte.

Board of Indian Commissioners kin taku lecala econpi iyececa keyapi kin lena ee. (1.) Ikcewicaša tona wowaši econpi on oičihipi kta okihipi kin hena woyute na hayapi wicaqupi kin ce-kiya letanhaz tokatakiya waniyanpi sanpa ota wicaqupi wašte. (2.) Tuktel Ikcewicaša wašicun iyecel makoce icupi kinhan na hetanhaz citizen unpi kin, hena wiceğna wakankicizapi na cinca wicatonpi na wicašte cin oyasin owa icupi, na owakpamni tipi kin heltu nahan county court nakun ekta hena owihanke wanin owa yankin kta.

(3.) Owakpamni oyasin ekta kta tawicatonpi kin hena iyuha-licin wicacaje owa iwicacupi na ikcewicohan oğna kiciyuzapi yeša elipekiciyapi kta iyowinwicakiyapi kta šni. Tokata kiciyuzapi kin hena ateyapi etanhaz woiyowinke icupi on econpi na is eya cajepi kin ateyapi ti ekta owa yankin kta.

(4.) Makoce oiyuteya gluhayankapi kin waji te cinhan, reservation kin he etanhaz wicaša wanjigi he on wicakabniğapi kin ateyapi okiyapi yukan te çon tamakoce na tawoyuha kin tona iyowajapi kta iyececapi kin hena wicacaje owa iwicacupi na ateyapi ti ekta wowapi waji el owihanke wanin owa yankin kta on el owicawapi kta.

(5.) Ikceoyatepi tamakocepi

kin onspa tanka waniyanpi icahwicayapi kin hecela on wašte kin, heon tokata tinsya tiplepi na waniyanpi icahwicayapi kta cinwicakiyapi na onspewicakiyapi kta iyececa. Na Ikcewicaša ota wana iceunkiyapi kin oğna ecewicakiconpi na lehanl tamazaska on woyute opewicakicatonpi kin hekiya waniyanpi opewicakicatonpi na wicaqupi wašte.

(6.) Lehanl Tunkansilayapi ti ekta mazaska oyate toktokeca wilwitaya tawapi kin hena wicaša tona iyowajapi kin wicakipamni na iyalatayela cajepi kin on hecena Tunkansilayapi ti kin ekta wicakiciyuhapi wašte. Hececa kinhan, tona makoce icupi kin hetanhaz tuwe hein waji wana tanyan oičih na tamazaska tanyan gluha kta okihi ca Tunkansilayapi Iyokihe hecel ikiciyukean kinhan ataya kicu kta. Waji nahancin tamazaska ataya ikikeu šni ecel te cinhan, titakuye tona iyowajapi kta iyececapi kin hena tawawicakiyapi kta.

(7.) Ikcewicaša tuwepike çe-yaš, iyuha tawakanheja kin wawaya opawicakiyapi kta on wowaškiye yugin kta iyececa.

(8.) Ikcewicaša tamakoce wašicun owicacupi kin he sanpa tanyan ekta etonwanpi wašte. Tokecincinyan econpi qon he tanyan šni Tokata wicaša makoce gluha yanka makoce waji tamakoce wašicun owicaku kinhan hetanhaz mazaska icu kin tokel okihika hena ota on tipi nainš mahconkaške na mağa yuwašte kta on aglusotin kta iyececa.

(9.) Tokata hayapi, nainš wakpamni maza tona ee yeša, hena osni šni itahena opewicakicatonpi na eana hiyuwicakiyapi kta; hecel waniyetu icunhan unpi kta iyecece cin hena wetu eciyatanhan icupi sa qon he icinonpa hececin kte šni.

(10.) Ateyapi waji kalniğapi kta hecinhan tokel olan wašte na wicohan kin he tanyan yuha kta iyececa kin henala iwanyag kalniğapi kta iyececa. Na tohan-yan olan waštepi na wicohan kin tanyan kuwapi tanin kinhan hehanyan hecena ateyapi yankapi kta iyececa.

June wi hehanl Pine Ridge ekta, Pahinsinte wakpala opaya, tipi wakan kağapi. Canblaska on kağapi yukan kağapi kta on Lakota ektana unpi kin is mazaska opawinge nonpa mnyanpi nahan canblaska kin isicola tokšupi. Canblaska kin hunli makaiyutapi wikcemna šakpe wahanyan tokšupi. Lila blihecapi na tanyan wawokiye škanpi. Bishop Hare \$200.00 on owicakiya canke wana owacekiye tipi wašte yuhapi. St. Alban's eciyapi.

St. Paul's Chapel, Cankpeopi wakpala opaya, Pine Ridge ekta, lecala mazahla lila wašte opeiçitonpi.

James Little Chief, Pine Ridge ekta Catechist unpi kin waji hee, June wi wiyawapi izaptan qon heehanl cinca hokšicala, cinca hecela yuhapi kin, ta.

Wicanhpi Yamni tawowapi kin etanhaz Oegnake 8 na 17 kin.

(Concluded from third page)

Hecetu kte ceyas, tohanl woyušan kin le yuecetupi kta ca on Tunkansilayapi tawomnaye kin etanhaz, mazaska icupi kin, henalica el kicupi kinhan, hehanl Tunkansilayapi Iyokihe kin, hecel tanyan kta iyukean kinhan, mazaska woyawa tanka yamni cin-catonyan ewicakicignakapi qon, aicage kin iyayustag, mazaska woyawa tanka qon hena etanhaz onge, mazaska waji waniyetu wanjica mazašala wikcemna iya-wa (10 per cent) mazaska kotopawinge opawinge yamni (\$300,000) henalica sanpa iyaye šni waniyetu iyohila koya awicayusotin kta okihi kta, tka woyu itancan wišiwicacupi, na Lakota mağa wikicanye, na šunkawakan, na wojapi su, nahan takuku on mağa sanpa tanyan kieuwapi kta opewicakicatonpi, nahan tuktešna mazaska onge ašlayela wicaqupi kin hecekel on hena awicayusotin kta, na waniyetu iyohila tokelkel mazaska kin hena yusota hecinhan, Tunkansilayapi Tomni-ciye kin el ecel oglakin kta.

Na woyušan kin le yusutapi kin ohakab waniyetu wikcemna zaptan hehanl, womnaye qon he Lakota qon hena waonspewicakiyapi kin he na wicayuwawicunpi kin he na oičihiwicayapi kin yuohanko kta ca on yusotapi kta, nainš hetanhaz tokatakiya Tunkansilayapi Tomni-ciye kin iye tuktekel aiyukean yušanpi kte cin hecekel toktoğye Lakota oyate wicakipamni kta.

Missouri obašpe kin mniciyapi kin el wiyukeanpi na Diocese kin he el Yewicašipi tawapi kin on icinonpa. Yewicašipi womnaye kin etanhaz mazaska icupi kta šni yušanpi. Hecece iye iyataye-la wağlajupupi kta wana.

Central Pennsylvania obašpe kin he mniciyapi na wicohan tona kipi kin he iwoglakapi na Okolakiciye kin hel iyopte cin lakaš wana obašpe kin kiğlu-spap kta na bishop nom yugin kta yušanpi.

Nakun Nebraska, Ohio, Southern Ohio, Pennsylvania, Pittsburgh, Virginia, West Missouri, Western New York, Long Island, Newark, South Carolina, Maine, Massachusetts obašpepi kin May wi kin icunhan mniciyapi na taku yaotaninpi kin eciyatanhan obašpe kin hena elel wicohan wakan icagin kta e lila wowaši econpi ca otanin.

Bishop unkitawapi kin June 20, 21 kinhan St. John's School, Ft. Bennet el un, na etanhaz iyaye na wiyawapi 22 litayetu kin el Wakpašica ekta wacekiyin kta iyaye. Hel Rev. L. C. Walker itkokipan na June 23-July 1, Kulwicaša ti na Conkicakse oyanke kin henios elel omani.